

Fair Trading Act

Ehara koe i te mea e kerēmehia ana e koe



Me mātua tika ngā kerēme ka whakaputaina hei whakapiki ake i te āhua o tētahi pakihi, ana hua, ratonga rānei. Kei roto i tēnei ko ngā kerēme a tētahi pakihi mō te momoho, pūkenga, ngā hua whakamātautau, tautoko rānei, me ērā mō ana kaimahi, hua, ratonga rānei. He mea whakaputa noa aua kerēme hei whakaawe i ngā kiritaki mō ngā painga o te hāere ki taua pakihi anō tēnā i tētahi atu, ā, ka riro mai tētahi huanga whakataetae makihuhunu.

Ngā kerēme mō ngā tohu me ngā pūkenga

Me mātua pono, me tika hoki ngā kerēme ka puta i tētahi pakihi mō ngā tohu, pūkenga rānei o ana kaimahi. Kaua e kerēmetia ngā mema tangā, whakaaetanga rānei nō ngā whakahaere ahumahi engari rawa mēnā kua whakaaehia taua mema tangā, ā, kei te mana tonu. Kaua ngā kerēme e whakawhirinaki ki ngā tono tārewa, mema tangā wāhi noa iho rānei.

TAUIRA

I whakatārewatia tētahi pakihi hanga whare mai i te Registered Master Builders Federation nā tētahi amuamu mō te kounga o ngā mahi ki tētahi whare. Ahakoa te whakatārewatanga, i whakapuaki tonu te pakihi he mema ia nō te Registered Master Builders Federation, ā, ka whiwhi ngā kiritaki i ngā Pūtāhui Tohunga Hanga Whare mō ngā mahi i mahia.

I ētahi atu āhuatanga i whakaaetia e te kamupene ngā utunga mō ngā Pūtāhui Tohunga Hanga Whare engari kāore i tukuna ngā tono me ngā utunga ki Ngā Ratonga Tohunga Hanga Whare kia tīmata rā anō ngā mahi hanga i te whare.

Nā tēnei, i te kaihautanga o te pakihi, kāore i kapi ētahi o ngā kiritaki i te Pūtāhui Tohunga Hanga Whare. I whakaharaina ngā tumuaki o te kamupene, i whainatia, ā, i whakahaua ki te utu paremata.

Ngā kerēme mō te angitu

Kaua rawa ngā pakihi e tuku kerēme whakakotiti mō tō rātau ake angitu. Ki te whakaputaina he kerēme mō te angitu o tētahi hua, ratonga, mō te pakihi ake, me mātua pono tēnei kerēme. Ka mutu me hou tonu. Ko ngā kerēme mō ngā angitu o mua, pērā i tētahi tohu i whakawhiwhia i ngā tau e rua ki mua, me mātua whakaatu i ngā whakatiki wā o taua tohu. E kerēme ana tētahi wharekai ko ia te 'wharekai utu iti rawa pai rawa o te tau', hei tauira, i whakawhiwhia ki te tohu i te rima tau ki mua, ka takahi tēnei i te Fair Trading Act engari rawa mēnā i āta whakaaturia te whakatiki wā.

TAUIRA

I tohaina e tētahi kaihoko whare ngā mātārere e whakapae ana ko ia kē te take i hokona ai te whare. Engari, ehara ko ia te kaihoko i te whare, ā, kāore i taea e ia te kī nāna kē te hoko ahakoa pēhea. I whakaharaina, i whainahia hoki te kaihoko whare me tōna kamupene hoko whare.



Ngā tautoko ā-pūtea me ngā whakamananga

Hei hāpai i tētahi hua, ratonga rānei, ka whakatau pea tētahi pakihi ki te rapu i tētahi whakamananga mai i tētahi tangata whai mana, whakahaere whai mana rānei. Me matua tika ngā kerēme e whakamana ana tētahi tangata, whakahaere rānei i tētahi hua, ka mutu, me mātua whakaae taua tangata, whakahaere rānei kia whakaputaina e te pakihi te kerēme.

E aukatia ana e te Fair Trading Act ngā kerēme teka, whakakotiti rānei e tautokona ana, e whakamanatia ana rānei tētahi hua, ratonga rānei e tētahi tangata, whakahaere rānei. Kua rawa ngā pakihi e kerēme i tētahi whakamananga mai i tētahi whakahaere pakimaero, kua whakamararatia rānei.

Ki te whakaputaina he kerēme e whakamahia ana e tētahi tangata tētahi hua, me mātua tika tēnei kerēme. Ka mutu, me hou tonu. Ko ngā kerēme ka whakaputaina e te tangata e whakamana ana i te hua, ratonga me mātua tika anō.

TAUIRA

I tukuna e tētahi pakihi ngā pukapuka mahi mō te koreutu ki ngā kura, ka whakahokia mai ngā utu mai i ngā pānui hokohoko i runga i ngā pukapuka. I teka te kerēme a tētahi kaimahi ko ia te tiamana o tētahi komiti kura o te rohe i a ia e haere ana ki te tono i tētahi kaiwhakaputa pānui hokohoko. I kerēme teka anō te pakihi i whakamananga te kaupapa e ngā tari kāwanatanga e rua. I whakaharaina, i whainahia hoki te pakihi.

Kāore he whakamananga, whakaae rānei a te Kōmihana i tētahi whakahaere, tangata, kaupapa rānei, rautaki māketē rānei. Ka takahi koe i te Fair Trading Act mēnā ka kerēme koe kei te whakaaehia e Te Kōmihana Tauhokohoko.


Kua rawa ngā pakihi e whakaputa tauākītanga whakakotiti mō te āhua o tētahi whakamananga i tukuna ki ngā hua, ratonga rānei e ngā whakahaere. Kei roto i aua whakamananga ko ngā tiwhikete hauora, haumarua hua rānei.

Kāore he whakamananga, whakaae rānei a te Kōmihana i tētahi whakahaere, tangata, kaupapa rānei, rautaki māketē rānei. Ka takahi koe i te Fair Trading Act mēnā ka kerēme koe kei te whakaaehia e Te Kōmihana Tauhokohoko.

TAUIRA

I puta te kerēme a tētahi kaituku ratonga ipurangi ki ana kiritaki i whakaaetia ana utu me ngā here e tāpiritia ana ki ana ratonga me ana pūnaha tuku nama e Te Kōmihana Tauhokohoko – e whakamōhio atu ana ki tētahi kiritaki i whakamātauhia e te Kōmihana ana pūnaha tuku nama, i kī atu ki tētahi atu kiritaki kāore i taea e ia te uru atu ki tana pūkete ipurangi mai i te tūhononga a tētahi pakihi whakataetae nā tētahi whakatau a te 'Telecommunications Commission', ā, i kī atu ki tētahi atu i te ū ana whakarite utu ki ngā aratohu a te Kōmihana. I whakaharaina te kamupene, ā, i whainahia.

I kerēme tētahi pakihi ki te iwi tūmatanui i whakaaetia e Te Kōmihana Tauhokohoko tana whakatairanga 'kore itarete'. Kāore tēnei i te tika. I whakaharaina, i whainahia hoki te pakihi.



Ngā whakamātautau me ngā rangahau

Ka taea ngā hua o ngā whakamātautau me ngā rangahau e arotau ana ki tētahi hua, ratonga rānei te whakahua i roto i ngā pānui hokohoko. Ki te pēnei, kua rawa ngā hua e tahupera kia tino arotau ake. Me oti i ngā pakihī te tuku taunakitanga hei tautoko i te tika me te hāngai o ngā huanga, ki te werowerohia.

Ki te pā ngā kōrero ki tētahi whakamātautau parau, rangahau rānei ka takahi tēnei i te Fair Trading Act.

He mea nui kia kua ngā tauākī ka puta e whakakotiti i ngā kiritaki e ai ki te āhua, rahinga, kounga rānei o tētahi whakamātautau, rangahau rānei.

Pānuitanga ingoa pai

Ko te pānuitanga ingoa pai ko ngā whakamātau ērā a te pakihī ki te waihanga i tētahi āhua pai ake mōna, ana hua, ratonga rānei i roto i ngā whakaaro o ngā kiritaki.

Hei tauira, ka rapu pea tētahi pakihī ki te whakaatu i tētahi āhua hāpai i te taiao mā te whakamahi i te taiao i roto i ngā pānui hokohoko, hoahoa rānei e whakaatu ana i ngā aihe, tipu rānei.

Tērā rānei, ka whakamahia pea he tangata rongonui, me ngā hononga tika, hei whakatairanga i tētahi hua me te whakapiki i tōna ingoa pai.

Mēnā kua puta tētahi whakaaturanga, ka takahi pea tēnei i te Fair Trading Act mēnā ka kitea kei te whakaputahia he āhua kāore nei e taea te whakapūmau.

Kua rawa ngā pānui hokohoko e whakamahia hei waihanga i tētahi āhua mō tētahi hua, ratonga rānei e kore e taea te tautokona e ngā meka. Engari, kāore e aukatia e te Ture he 'momo whakamōmona' - ko ngā kōrero whakamōmona ēnei e tino mōhio ana, ā, e kore nei e taea te whakakotiti tāngata.

He ārahi noa iho tēnei pepa meka. Ehara i te mea me whakaporo, ā, kua e whirinaki atu hei tohutohu ā-ture. Kei a koe te kawenga mō te whai haere i ngā huringa ā-ture.

Ka taea e koe te rēhita mō ngā karere kōrero i www.comcom.govt.nz/subscribe

Whakapā mai me ngā whakamārama e pā ana ki ngā takahitanga pea o ngā ture e whakaūhia ana e mātau:

Waea: 0800 943 600 **Tuhi:** Enquiries Team, PO Box 2351, Wellington 6140 **Īmēra:** contact@comcom.govt.nz

Claiming you're something you're not – Te Reo Māori

